

URNOS TI PANAGDAYAW

BINATOG A PANPANUNOTEN:

“Jesus Christ is the same, yesterday, today and forever.”

PRELUDIO: *(agpasango dagiti agakem ken masindian dagiti candelita ti altar)*

INTROIT: “Jesus you’re the Sweetest Name of All”

Jesus you’re the sweetest name of all
Jesus you always hear me when I call
Oh Jesus, you help me rise up when time I fall
You’re the sweetest, the sweetest name of all.
(Repeat)

**AYAB TI PANAGDAYAW:

Pangulo: Ti Apo nagungaren! Ket ita ni Kristo napagunagr kadagiti natay nga Isu ti umuna a bunga cadagiti matmaturog.

Gimong: Ipukkawtayo ket pasingkedantayo ni Jesus ket Dios ti sangalubongan!

Pangulo: Ti pannilud ni patay isu ti basol ket ti pigsa ti basol isu ti linteg. Ngem yaman pay iti Dios a nangted kadatayo iti balligi gapu ken Apotayo a JesuKristo!

Gimong: Halleluyah! Agturay ti mannakabalin a Dios. Ti lubong nagbalin a pagarian ni Kristo Jesus. Ti Apo agturay iti agnanayon.

Pangulo: Ari dagiti ar-ari, ken Apo dagiti ap-appo! Halleluyah!

Amin: Agyamantay iti Dios a nangted balligi!

**HIMNO TI PANAGDAYAW: “Innak Ikanta Ti Damag”

Innak ikanta ti damag ni Kristo a naayat;
Ta biagnat’ inna inyawat indiy krus gapu kaniak.

Coro: Ikantak narniag a damag ni Kristo a naayat;
Makipagkanta met kaniak Sasantos a naayat.

Kas karnero a napukaw, siak met ti nayaw-awan;
Ngem siac inna nasarakan ni Kristo a Mangispal. (coro)

No adda pay la ti sipngget ken liday a lasatek;
Ni Jesus isu lat’ kaptek, liwliwa ken katalek. (coro)

**INBOKASYON:

Elder

KARARAG TI PANANGIPUDNO KADAGITI BIDDUT:

Pangulo: Kakabsat bigbigentayo dagiti basbasoltayo tapno maikaritayo a makipagambak kadagiti Nasantoan a misterio iti Apo.

Amin: Apo HesuKristo, immaykami iti krusmo ket nakitadaka a nailansa, silalamo-lamo ken nabay-bay-an. Malagipmi dagiti nagkuranganmi kadagiti nagannak kadakami, gagayyemmi, kaarubami, ti Iglesia ken kangrunaan Kenka. Amin dagitoy pagbabawianmi.

Ti pannakakita mi ti panagbisin ti lubong, dagiti ubbing a masakit ken mabisbisinan, ti pungtot dagiti papagayammi isu nga napaidaman ti kalinteganda, ken dagiti aramidmi a mangparnuay ti panagsususik. Ammom O Dios nga adda pasetmi kadagitoy a kinadakes. Nakitami ti pudno a kinataomi, nakitami ti kianaagummi, dagiti panagikukunami, dagiti pagladingitan ken pannakapaaymi. Apo Hesu Kristo paset kami iti pannaikrusmo, iti daytoy a kanito umasidegkami iti nagbiag a tanem mo a mangpakawan kadagiti basbasolmi, saksakit ken kinarasimi. Amen.

Sungbat: “God is So Good”

God is so good (3x)... is so good to me.
He answers prayer (3x)... is so good to me.
He makes me whole (3x)... is so good to me.

PAMMATALGED ITI PAMMAKAWAN ITI DIOS:

Pastor: Saantayon nga awiten dagiti basbasoltayo ta nailansadan iti krus ken naikalidan iti tanem. Lipatentayo dagiti sugsugattayo gaputa naagasandan. Nagungar iti Apo tapno pakawanenna tayo ken pagmaymaysaenna tayo.

PANNAKAYALLATIWI TI KAPPIA:

(Iyallatiw tayo ti kappia ken talna babaen iti panangkanta ti “Ang buhay ng Kristino ay masayng tunay...)

KABLAAW, PAKARAGSAKAN, PAKARARAGAN:

KARARAG DAGITI TATTAO:

Sungbat: Denggem, O Apo; Denggem dawatmi.
Ipangagmo kadi ti ararawmi.

DAGITI SASAO TI APO:

****Manipud iti Nasatuan a Surat**

Amin: Daan a Tulag- Dagiti Salmo 24:1-2

1 Kukua ti Apo ti lubong ken amin a linaonna; kukuana ti daga ken ti amin nga agnaed kenkuana. **2** Binangonna iti rabaw dagiti adalem a danum ket iti lansad ti taw inpasdekna ti pamuon.

Baro a Tulag: I Korinto 10:14

14 “Isut gapuna a dikay agrukbab kadagiti didiosen, patgek a gagyyem.”

Sungbat: “Ti sasao a naragsak, sao a mamagbiag 2X”

Babaen iti Mensahe ti Kanta

The Choir

Pannakailawlawag ti Sao

“PISINGKEDAN TI KINA-DIOS NI KRISTO”

PAMMASINGKED DANIW: (Amintyo)

JESUS TI CRISTO

Dinalyasat ni Jesu-Cristo ti daga
Maysa a karpintero a natured ken napudno
Kinunana: “Immayak tapno maaddaan kayo ti biag, biag a nawadwad ken naan-anay,”
Inpagunamgunamna kadagiti nabaknang ta ibingayda ti sanikuada kadagiti napanglaw
Dayta’t gapuna nga inlansada ken intanemda ni Jesus.
Kinunana: “Immayak saan a gapu’t kappia no di ket kampilan a mangburak ti saan a nasayaat nga aramidyo
Isut’ gapuna a pinapapatayda ni Jesus.
Kinunana: “Aniaman a banag nga inaramidmo kadagiti kababassitan nga kakabsatmo inaramid mo metten kaniak”
Kinunana pay: “Ayatem ti Apo a Diosmo iti amin a puson, iti amin nga isip mo ken iti amin a kararuam.”
ken ayatem ti padam a tao kas iti bagim.

Naindaklan ken nabaknang ti pakistoryaan ti biag,
ministerio, ipapatay ken panagungar ni Jesus.
Kas kadagiti adalan, ni Tomas a mangduadua
Babaen ti panagparang ni Jesus kenkuana
Situtured ngem sipapakumbaba a nagkuna; "Apok ken
mannubbokko"

Maipasdek met koma kenka ita
Nga iti agnanayon
Ipasingkedmo met koma
Ti KINA-DIOS ni JESUS ditoy rabaw ti daga. Amen!

Sungbat: *O Jesusko, inkarik ti agserbi Kenka Apok ken
Mannubot ko Dinak kad baybay-an, diak kabuteng ti gubat no
addakat' dennak; Diakto met mayaw-awn Sikat' mangidalan*

PANANGIDATON TI BIAG KEN PAGYAMAN:

Pangulo: Naipatalged naminsan pay kadatayo ti kinauneg ken
kinadulus ti ayat iti Dios kadatayo babaen ken Kristo. Ti
dara iti Dios met laeng ti naibuyat tapno intayo
maisalakan. Kasano ti wagas a panangipakitayo iti
naimpapusoan a panagyaman iti dakkal nga ayatna?
(panagited cadagiti pagyaman ken sagsagut)

KANTA TI PANANGIDATON: "Dacdackel nga Ayat kenca"
Dacdackel nga ayat itdem caniac, Dengem ararawco, kenca
Apo, Dumacdackel koma ti ayatco kenca, Itdem cadi caniac
Apo.

Ti nailubongan, aragragasac, Isut nagnaedac ti nabayag,
Ngem diac nasaracan talna ken inanac Jesus sicut
pagdawatac.

****DOKSOLOHIYA KEN KARARAG TI PANANGIDATON (amin)**

"Awatem kadi O Apo dagitoy a sagsagutmi ta
daytoy ti maysa a wagas ti panangipakitami iti
panagyamanmi kenka, gapu ioti panngisalamanmo
kadakami, gapu kadagiti nagkaadu a bendision
nga inkam aw-awaten iti inaldaw-aldaw.
Nasanlun-at a bagi, naayat ken naurnos a pamilia,
atiddog a biag, nadungngo a kaarruba ken
kakabsat iti pammati ken adduma a maipaay iti
pannakailawati pagariam ditoy rabaw ti daga.
AMEN.

TI LAMISAAN TI APO

CHURCH BULLETIN

****HIMNO A PANAGSERVI: "Gagetan! Regtaan"**

Gagetan! Regtaan! Surotentay ita,
Dalan ti Maestro kadatay imbatina;
Nayonan ti pigsa kadagiti grasia,
Ta malpastot' rebbeng ti maysa ken maysa.

Coro: Gagetan! Regtaan! Aguray! Agpuyat!
Agtalek! Agayat! Ta ti Maestro agsublit' daras.

Gagetan! Regtaan! Ikkantay ti makan,
A tinapay ti biag ti mabisbisinan;
Adut' masaksakit a ken Jesus mapan,
Ta ammoda nga ayatnat' di bayadan. (coro)

Gagetan! Regtaan! Dumawat ti pigsa,
Pagarian ti dakes rebbekentay ita;
Baluden nga itulod ken Jesus Mangwaya,
Ibaga nga awan bayad ti ayatna. (coro)

****PANGSERRA A KARARAG:**

PAMENDISION:

Sungbat:

POSTLUDIO:

"Enter to rejoice, depart to serve"

Church Bulletin

Hallelujah!

Kablawandakayo babaen ti presensia iti Apo
bayat ti panagmaymaysa tayo iti daytoy a
Domingo. Sapay koma ta marikna sagtunggal
maysa ti bileg iti panagungar iti Apo ket agbalin
tayo a napabaro iti biag ken pammati.



UNITED CHURCH OF CHRIST IN THE PHILS.
NORTH LUZON JURISDICTION
April 17, 2016

MAIKATLO A DOMINGO KALPASAN PANAGUNGAR

He is Risen



**TI TEMA ITA A DOMINGO:
PASINGKEDAN TI KINA-DIOS NI CRISTO**